



Concernent las annunzias d'animals chattads collavura l'uffizi per la segirezza da victualias e per la sanadad d'animals da nov cun la centrala svizra per animals sparids e chattads. Uschia è pussaivla ina tschertga extendida dals animals sparids cun agid d'ina banca da datas voluminusa.

Tgi che chatta in animal spari, sto communitgar quai a la proprietaria u al proprietari da l'animal; sch'ins n'enconuscha betg la proprietaria u il proprietari, ston ins annunziar l'animal chattà ad in post d'annunzia designà dal chantun. En il chantun Grischun pon talas annunzias vegnir drizzadas a las vischnancas, che las transmettan a l'uffizi per la segirezza da victualias e per la sanadad d'animals (USVA). Igl è dentant er pussaivel d'annunziar in animal chattà directamain al USVA. Cun la centrala svizra per animals sparids e chattads (STMZ) ha il USVA chattà ussa ina part contrahenta che metta a disposiziun sia banca da datas per la registraziun d'animals chattads e per la tschertga simplifitgada da las possessuras u dals possessurs dals animals. Tras l'utilisaziun da la banca da datas d'animals chattads da la STMZ èsi pussaivel da colliar di e notg en moda professiunala las annunzias d'animals sparids e chattads entaifer l'entir chantun sco er en il rest da la Svizra. Las annunzias d'animals chattads vegnan cumparegliadas immediatamain cun tut las infurmaziuns davart animals tschertgads ch'èn avant maun en la banca da datas.

Annunzia d'animals chattads

Il post d'annunzia chantunal (USVA GR) è cuntanschibel per telefon durant las uras da spurtegl usitadas. La centrala svizra per animals sparids e chattads è cuntanschibla da tut temp, durant 24 uras a di e durant 365 dis ad onn. En quatter linguas (tudestg, franzos, talian ed englais) pon vegnir annunziads di e notg animals sparids e chattads. Sur l'internet pon ins er endatar sez sias annunzias, e quai sin la pagina dal chantun Grischun, rubrica "Findeltiere", u directamain tar la STMZ.

Surveglianza da las datas e tgira da la banca da datas

Areguard las annunzias ch'èn anc avertas suenter quatter emnas, èn circa 40% dals animals sparids returnads da sez a chasa en il fratemp. Tut las persunas che han annunzià in animal spari u chattà vegnan perquai contactadas suenter quatter emnas da la STMZ per telefon u per e-mail, sch'il cas n'è betg anc sclerì. Mo uschia èsi pussaivel da mantegnair ina survista actuala da tut ils animals ch'èn vegnids annunziads sco sparids u sco chattads. Ina banca da datas che vegn tgirada cuntinuadamain è la basa da mintga soluziun da "lost & found".

Posts d'annunzia per il chantun Grischun

Centrala svizra per animals sparids e chattads, STMZ (365 dis ad onn / 24 uras a di)

Annunzia d'animals chattads: tel. 0848 357 358 (tariffa normala)

Annunzia d'animals sparids: tel. 0900 357 358 (CHF 1.95/min.)

Ubain tut las annunzias: www.stmz.ch (gratuit)

Uffizi per la segirezza da victualias e per la sanadad d'animals

(post d'annunzia chantunal; glindesdi – venderdi, 08.00 – 12.00 e 14.00 – 17.00)

Annunzia d'animals chattads: tel. 081 257 24 15 (tariffa normala)

Ubain tut las annunzias: www.gr.ch (USVA / Dienstleistungen / Findeltiere; gratuit)

Infurmaziuns

dr. Rolf Hanimann, veterinari chantunal, uffizi per la segirezza da victualias e per la sanadad d'animals, tel. 081 257 24 11

dr. Thomas Bürge, post specialisà per la protecziun dals animals, uffizi per la segirezza da victualias e per la sanadad d'animals, tel. 081 257 24 02